

## თავი II

### 2022 წლის იანვარ-ივნისის მაკროეკონომიკური მიმოხილვა

#### ეკონომიკური ზრდა

საქართველოს სტატისტიკის ეროვნული სამსახურის წინასწარი მონაცემების მიხედვით, 2022 წლის პირველი ექვსი თვის მთლიანი შიდა პროდუქტის საშუალო რეალურმა ზრდამ, წინა წლის შესაბამის პერიოდთან 10.5 პროცენტი შეადგინა. აქედან, 2022 წლის I კვარტალის საშუალო რეალურმა ზრდამ 14.9 პროცენტი, ხოლო II კვარტალში ზრდამ 7.2 პროცენტი შეადგინა.

2022 წლის პირველ კვარტალში ეკონომიკური ზრდა დაფიქსირდა შემდეგ დარგებში: განთავსების საშუალებებით უზრუნველყოფის და საკვების მიწოდების საქმიანობები 70.3 პროცენტი, ელექტროენერჯის, აირის, ორთქლის და კონდიციონერული ჰაერის მიწოდება 54.7 პროცენტი, ხელოვნება, გართობა და დასვენება 47.9 პროცენტი, ტრანსპორტი და დასაწყობება 29.4 პროცენტი, ადმინისტრაციული და დამხმარე მომსახურების საქმიანობები 29.1 პროცენტი, სამთომომპოვებითი მრეწველობა 24.9 პროცენტი, წყალმომარაგება; კანალიზაცია, ნარჩენების მართვა და დაბინძურებისაგან გასუფთავების საქმიანობები 24.4 პროცენტი, ინფორმაცია და კომუნიკაცია 21.1 პროცენტი და სხვა.

#### ფასები

2022 წლის ივნისში საქართველოში ინფლაციის დონემ წინა წლის შესაბამის თვესთან შედარებით (წლიური ინფლაცია) 12.8 პროცენტი შეადგინა, ამავე პერიოდისათვის, საშუალო ინფლაცია 12.9 პროცენტის დონეზეა.

წლიური ინფლაციის ფორმირებაზე ძირითადი გავლენა იქონია ფასების ცვლილებამ შემდეგ ჯგუფებზე: სურსათი და უალკოჰოლო სასმელები: ფასები გაიზარდა 21.8%-ით, რაც ინფლაციის მთლიან მაჩვენებელზე 6.86 პროცენტული პუნქტით აისახა; ტრანსპორტი: ფასები გაიზარდა 19.4%-ით, რაც 2.34 პროცენტული პუნქტით აისახა; საცხოვრებელი, წყალი, ელ. ენერჯია, აირი: ფასები გაიზარდა 13.0%-ით, რაც ინფლაციის მთლიან მაჩვენებელზე 1.31 პროცენტული პუნქტით აისახა; სასტუმროები, კაფეები და რესტორნები: ფასები გაიზარდა 14.0%-ით, რაც ინფლაციის მთლიან მაჩვენებელზე 0.64 პროცენტული პუნქტით აისახა.

#### გაცვლითი კურსი

2022 წლის ივნისში 2021 წლის დეკემბერთან შედარებით ლარის გაცვლითი კურსი აშშ დოლარის მიმართ 5.4 პროცენტით გამყარდა და 2.93 ლარი შეადგინა ერთ აშშ დოლარზე. ლარის ნომინალური ეფექტური გაცვლითი კურსი, რაც წარმოადგენს ლარის საშუალო კურსს სავაჭრო პარტნიორების გაცვლით კურსებთან, გამყარდა 7.6 პროცენტით.

#### მონეტარული აგრეგატები

2022 წლის ივნისში 2021 წლის ივნისთან შედარებით M3 ფართო ფულის აგრეგატი 10.8 პროცენტით გაიზარდა და 33 678.0 მლნ ლარი შეადგინა, ხოლო M2 ფულის მასა 16.9 პროცენტით გაიზარდა და 16 504.4 მლნ ლარის დონეზე დაფიქსირდა.

2022 წლის ივნისში, წინა წლის დეკემბერთან შედარებით დეპოზიტების დოლარიზაციის კოეფიციენტი 1.3 პროცენტული პუნქტით შემცირდა და 57.2 პროცენტს გაუტოლდა. ამავე პერიოდში 2.3 პროცენტული პუნქტით შემცირდა სესხების დოლარიზაციის კოეფიციენტი და 48.4 პროცენტი შეადგინა.

#### საგარეო სექტორი

2022 წლის იანვარ-ივნისში საქართველოში საქონლით საგარეო სავაჭრო ბრუნვამ 8 477.4 მლნ აშშ დოლარი შეადგინა, რაც წინა წლის შესაბამის მაჩვენებელზე 35.4 პროცენტით მეტია. აქედან ექსპორტი 2 558.7 მლნ აშშ დოლარს შეადგენს (35.6 პროცენტით მეტი), ხოლო იმპორტი - 5 918.6 მლნ აშშ დოლარს

(35.3 პროცენტით მეტი). საქართველოს უარყოფითმა სავაჭრო ბალანსმა 2022 წლის იანვარ-ივნისში 3 359.9 მლნ აშშ დოლარი შეადგინა.

საქართველოს უმსხვილეს სავაჭრო პარტნიორი ევროკავშირია, რომლის წილი მთლიან საქონელბრუნვაში 20.6%-ს შეადგენს. უმსხვილეს სავაჭრო პარტნიორებში აგრეთვე შედის თურქეთი (15.3%), რუსეთი (11.4%), ჩინეთი (10.9%) და აზერბაიჯანი (7.5%).

მთლიან ექსპორტში ევროკავშირის წილი 16.9%-ია, შემდეგ მოდიან ჩინეთი 15.6%, აზერბაიჯანი 11.2%, რუსეთი 10.0% და თურქეთი 9.9%.

სასაქონლო ჯგუფების მიხედვით ექსპორტში პირველ ადგილზე სპილენძის მადნები და კონცენტრატებია 20.8%-ით, მომდევნო ადგილებს იკავებენ: ფეროშენადნობები - 11.8%, მსუბუქი ავტომობილები - 10.5%, აზოტოვანი სასუქები - 6.5% და ყურძნის ნატურალური ღვინოები - 3.9%.

მთლიან იმპორტში ევროკავშირის წილი 22.2%-ია, შემდეგ მოდიან თურქეთი - 17.6%, რუსეთი - 11.9%, ჩინეთი - 8.8% და აშშ - 6.4%.

იმპორტის სასაქონლო სტრუქტურაში პირველ ადგილზე მსუბუქი ავტომობილებია, რომელსაც მთლიან იმპორტში 10.3 პროცენტთან წილი უკავია. შემდეგ მოდიან: ნავთობი და ნავთობპროდუქტები - 9.7%, სპილენძის მადნები - 7.0%, ნავთობის აირები - 3.9% და სამკურნალო საშუალებები - 3.3%.

### *ევროკავშირის ქვეყნებთან ვაჭრობაში*

2022 წლის იანვარ-ივნისში წინა წლის შესაბამის პერიოდთან შედარებით ევროკავშირის ქვეყნებში ექსპორტი 34.7%-ით გაიზარდა.

ძირითადი საექსპორტო სასაქონლო ჯგუფებია:

- მადნები და სპილენძის კონცენტრატები (212.7 მლნ აშშ დოლარი, 37.9% ზრდა);
- თხილი და სხვა კაკალი (29.8 მლნ აშშ დოლარი, 44.8% ზრდა);
- ფეროშენადნობები (20.0 მლნ აშშ დოლარი, 89.8% ზრდა);
- მსუბუქი ავტომობილები (17.7 მლნ აშშ დოლარი, 76.6% ზრდა);
- ყურძნის ნატურალური ღვინოები (16.4 მლნ აშშ დოლარი, 27.6% ზრდა).

2022 წლის იანვარ-ივნისში წინა წლის შესაბამის პერიოდთან შედარებით ევროკავშირის ქვეყნებიდან იმპორტი 30.7%-ით გაიზარდა.

ძირითადი საიმპორტო სასაქონლო ჯგუფებია:

- ნავთობი და ნავთობპროდუქტები (222.2 მლნ აშშ დოლარი, 78.0% ზრდა);
- სამკურნალო საშუალებები (101.5 მლნ აშშ დოლარი, 2.9% ზრდა);
- მსუბუქი ავტომობილები (88.3 მლნ აშშ დოლარი, 52.8% ზრდა);
- სატვირთო ავტომობილები (28.2 მლნ აშშ დოლარი, 23.1% კლება);
- სატელეფონო აპარატები, ფიჭური ქსელებისთვის ან სხვა (25.7 მლნ აშშ დოლარი, 57.6% ზრდა).

### *თურქეთთან ვაჭრობაში*

2022 წლის იანვარ-ივნისში წინა წლის შესაბამის პერიოდთან შედარებით თურქეთში ექსპორტი 53.9%-ით გაიზარდა.

ძირითადი საექსპორტო სასაქონლო ჯგუფებია:

- ელექტროენერჯია (49.3 მლნ აშშ დოლარი, 562.4% ზრდა);
- ტრიკოტაჟის ნაწარმი (42.3 მლნ აშშ დოლარი, 19.0% ზრდა);
- ფეროშენადნობები (40.2 მლნ აშშ დოლარი, 85.1% ზრდა);
- კოსტუმები, კომპლექტები, ტრიკოტაჟი, ნაქსოვები (24.1 მლნ აშშ დოლარი, 59.8% ზრდა);
- ნახევარფაბრიკატები ნახშირბადიანი ფოლადი (16.5 მლნ აშშ დოლარი, 39.6% ზრდა).

2022 წლის იანვარ-ივნისში წინა წლის შესაბამის პერიოდთან შედარებით თურქეთიდან იმპორტი 33.2%-ით გაიზარდა.

ძირითადი საიმპორტო სასაქონლო ჯგუფებია:

- მსუბუქი ავტომობილები (53.2 მლნ აშშ დოლარი, 636.2% ზრდა);
- სამკურნალო საშუალებები (32.9 მლნ აშშ დოლარი, 39.0% ზრდა);
- მზა ნაწარმი სხვა, ტანსაცმლის თარგების ჩათვლით (24.8 მლნ აშშ დოლარი, 0.9% კლება);
- შავი ლითონების მეტალოკონსტრუქციები და მათი ნაწილები (21.3 მლნ აშშ დოლარი, 58.0% ზრდა);
- შავი ლითონების მიწები, მილაკები და ღრუ პროფილები (20.9 მლნ აშშ დოლარი, 9.5% კლება).

### **რუსეთთან ვაჭრობაში**

2022 წლის იანვარ-ივნისში წინა წლის შესაბამის პერიოდთან შედარებით რუსეთში ექსპორტი 2.8%-ით შემცირდა.

ძირითადი საექსპორტო სასაქონლო ჯგუფებია:

- ფეროშენადნობები (86.0 მლნ აშშ დოლარი, 17.9% ზრდა);
- ყურძნის ნატურალური ღვინოები (57.9 მლნ აშშ დოლარი, 3.1% კლება);
- მინერალური და მტკნარი წყლები (18.6 მლნ აშშ დოლარი, 39.7% კლება);
- მსუბუქი ავტომობილები (14.0 მლნ აშშ დოლარი, 71.7% ზრდა);
- ეთილის სპირტი (13.6 მლნ აშშ დოლარი, 13.4% კლება).

2022 წლის იანვარ-ივნისში წინა წლის შესაბამის პერიოდთან შედარებით რუსეთიდან იმპორტი 51.4%-ით გაიზარდა.

ძირითადი საიმპორტო სასაქონლო ჯგუფებია:

- ნავთობი და ნავთობპროდუქტები (184.1 მლნ აშშ დოლარი, 208.3% ზრდა);
- ნავთობის აირები და აირისებრი ნახშირწყალბადები (40.2 მლნ აშშ დოლარი, 33.2% კლება);
- კოქსი და ნახევარკოქსი ქვანახშირის (29.9 მლნ აშშ დოლარი, 193.0% ზრდა);
- ფქვილი ხორბლის ან ხორბალ-ჭვავისა (28.8 მლნ აშშ დოლარი, 1 255.4% ზრდა);
- მარგარინი (25.7 მლნ აშშ დოლარი, 684.0% ზრდა).

### **პირდაპირი უცხოური ინვესტიციები**

წინასწარი მონაცემებით, 2022 წლის I კვარტალში საქართველოში განხორციელებული პირდაპირი უცხოური ინვესტიციების მოცულობამ 568.2 მლნ. აშშ დოლარი შეადგინა, რაც 435.7 მლნ აშშ დოლარით (4.3-ჯერ) აღემატება 2021 წლის I კვარტალის მონაცემებს. უმსხვილესი პირდაპირი ინვესტორი ქვეყნების პროცენტულ სტრუქტურაში პირველ ადგილზე ესპანეთია 34.5 პროცენტით, მეორე ადგილზე გაერთიანებული სამეფო - 15.3 პროცენტით, ხოლო მესამე ადგილზე თურქეთი - 11.8 პროცენტით.

ყველაზე მეტი პირდაპირი უცხოური ინვესტიცია ენერჯეტიკის სექტორში განხორციელდა და 236.4 მლნ აშშ დოლარი შეადგინა, შემდეგ მოდის საფინანსო სექტორი - 111.1 მლნ აშშ დოლარი და უძრავი ქონების სექტორი 81.3 მლნ აშშ დოლარი.

### **ფულადი გზავნილები**

2022 წლის იანვარ-ივნისში წმინდა ფულადი გზავნილები წინა წლის შესაბამის პერიოდთან შედარებით 72.4 პროცენტით გაიზარდა და 1 628.9 მლნ აშშ დოლარი შეადგინა (684.0 მლნ აშშ დოლარით მეტი). წმინდა ფულადი გზავნილები გაიზარდა: რუსეთიდან 410.3 პროცენტით და 726.5 მლნ აშშ დოლარი შეადგინა (584.2 მლნ აშშ დოლარით მეტი), იტალიიდან 14.0 პროცენტით და 204.3 მლნ აშშ

დოლარი შეადგინა (25.1 მლნ აშშ დოლარით), აშშ-დან - 6.3 პროცენტით და 142.3 მლნ აშშ დოლარი შეადგინა (8.5 მლნ აშშ დოლარით), ყაზახეთიდან - 500.7 პროცენტით და 80.7 მლნ აშშ დოლარი შეადგინა (67.3 მლნ აშშ დოლარით). შემცირდა: საბერძნეთიდან - 13.0 პროცენტით და 100.3 მლნ აშშ დოლარი შეადგინა (15.0 მლნ აშშ დოლარით ნაკლები), თურქეთიდან - 46.0 პროცენტით და 11.4 მლნ აშშ დოლარი შეადგინა (9.7 მლნ აშშ დოლარით).

### **ტურიზმი**

2022 წლის იანვარ-ივნისში, საქართველოს 1 625.9 ათასი საერთაშორისო მოგზაურების ვიზიტორი ეწვია (2021 წლის ექვსი თვის მონაცემებით, ვიზიტორების რაოდენობა 486.0 ათასს შეადგენდა), რაც გასული წლის ანალოგიურ მონაცემზე 234.5 პროცენტით მეტია. 2022 წლის პირველი ნახევრის ვიზიტორების რაოდენობა 2019 წლის შესაბამისი პერიოდის ვიზიტორების რაოდენობასთან შედარებით აღდგენილია 42.1 პროცენტით (წყარო: საქართველოს ტურიზმის ეროვნული ადმინისტრაცია).

ტურიზმიდან მიღებულმა შემოსავლებმა 1 142.5 მლნ აშშ დოლარი შეადგინა, რაც 281.3 პროცენტით (842.9 მლნ აშშ დოლარით მეტი) მეტია გასული წლის მაჩვენებელზე. 2022 წლის პირველი ნახევრის ტურიზმიდან შემოსავლები 2019 წლის შესაბამისი პერიოდის ტურიზმიდან შემოსავლებთან შედარებით აღდგენილია 78.5 პროცენტით (წყარო: საქართველოს ეროვნული ბანკი). (წყარო: საქართველოს ეროვნული ბანკი).

### **ინფორმაცია საქართველოს 2022 წლის იანვარ-ივნისის ნაერთი ბიუჯეტის შემოსავლების შესრულების შესახებ**

2022 წლის იანვარ-ივნისის ნაერთი ბიუჯეტის შემოსავლების საპროგნოზო მაჩვენებელი განისაზღვრა 8 711 151.6 ათასი ლარით, საანგარიშო პერიოდში მობილიზებულ იქნა 9 177 360.9 ათასი ლარი, ანუ საპროგნოზო მაჩვენებლის 105.4%.

**გადასახადების** საპროგნოზო მაჩვენებელი განისაზღვრა 7 871 000.0 ათასი ლარით, საანგარიშო პერიოდში მობილიზებულ იქნა 8 045 069.7 ათასი ლარი, ანუ საპროგნოზო მაჩვენებლის 102.2%. ასევე საანგარიშო პერიოდში ზედმეტად გადახდილი გადასახადების (დღგ) დაბრუნების მაჩვენებელმა შეადგინა 1 098 198.7 ათასი ლარი.

**გრანტების** საპროგნოზო მაჩვენებელი განისაზღვრა 193 834.6 ათასი ლარით, საანგარიშო პერიოდში მობილიზებულ იქნა 230 365.8 ათასი ლარი, ანუ საპროგნოზო მაჩვენებლის 118.8%.

**სხვა შემოსავლების** საპროგნოზო მაჩვენებელი განისაზღვრა 646 317.0 ათასი ლარით, საანგარიშო პერიოდში მობილიზებულ იქნა 901 925.5 ათასი ლარი, ანუ საპროგნოზო მაჩვენებლის 139.5%.

**არაფინანსური აქტივების** კლებიდან მობილიზებულ იქნა 206 991.3 ათასი ლარი, რაც საპროგნოზო მაჩვენებლის (185 500.0 ათასი ლარი) 111.6%-ია.

**ფინანსური აქტივების** კლებიდან მობილიზებულ იქნა 66 071.9 ათასი ლარი, რაც საპროგნოზო მაჩვენებლის (65 100.0 ათასი ლარი) 101.5%-ია.

**2022 წლის იანვარ-ივნისის ნაერთი ბიუჯეტის შემოსავლების შესრულების მაჩვენებლები**

*ათასი ლარი*

დასახელება	გეგმა	ფაქტი	+/-	%
<b>შემოსავლები</b>	<b>8 711 151,6</b>	<b>9 177 360,9</b>	<b>466 209,3</b>	<b>105,4</b>
<b>გადასახადები</b>	<b>7 871 000,0</b>	<b>8 045 069,7</b>	<b>174 069,7</b>	<b>102,2</b>
საშემოსავლო გადასახადი	2 297 000,0	2 439 522,8	142 522,8	106,2
მოგების გადასახადი	917 000,0	1 138 924,8	221 924,8	124,2
დამატებული ღირებულების გადასახადი	3 032 000,0	3 393 906,1	361 906,1	111,9
აქციზი	775 000,0	774 620,4	- 379,6	100,0
იმპორტის გადასახადი	39 000,0	52 044,8	13 044,8	133,4
ქონების გადასახადი	393 000,0	451 126,9	58 126,9	114,8
სხვა გადასახადი	418 000,0	-205 076,2	-623 076,2	-49,1
<b>გრანტები</b>	<b>193 834,6</b>	<b>230 365,8</b>	<b>36 531,2</b>	<b>118,8</b>
<b>სხვა შემოსავლები</b>	<b>646 317,0</b>	<b>901 925,5</b>	<b>255 608,5</b>	<b>139,5</b>

**ინფორმაცია საქართველოს 2022 წლის იანვარ-ივნისის სახელმწიფო ბიუჯეტის შემოსავლების შესრულების შესახებ**

2022 წლის იანვარ-ივნისის სახელმწიფო ბიუჯეტის შემოსავლების საპროგნოზო მაჩვენებელი განისაზღვრა 7 378 839.6 ათასი ლარით, საანგარიშო პერიოდში მობილიზებულ იქნა 7 678 608.5 ათასი ლარი, ანუ საპროგნოზო მაჩვენებლის 104.1%.

**2022 წლის იანვარ-ივნისის სახელმწიფო ბიუჯეტის შემოსავლების შესრულების მაჩვენებლები**

*ათასი ლარი*

დასახელება	გეგმა	ფაქტი	+/-	%
<b>შემოსავლები</b>	<b>7 378 839,6</b>	<b>7 678 608,5</b>	<b>299 768,9</b>	<b>104,1</b>
გადასახადები	6 748 920,0	6 768 743,9	19 823,9	100,3
გრანტები	169 834,6	227 340,7	57 506,1	133,9
სხვა შემოსავლები	460 085,0	682 523,9	222 438,9	148,3

**გადასახადების** საპროგნოზო მაჩვენებელი განისაზღვრა 6 748 920.0 ათასი ლარით, საანგარიშო პერიოდში მობილიზებულ იქნა 6 768 743.9 ათასი ლარი, ანუ საპროგნოზო მაჩვენებლის 100.3%.

სახელმწიფო ბიუჯეტში გადასახადების მობილიზაციის მდგომარეობა ცალკეული სახეების მიხედვით შემდეგია:

- საშემოსავლო გადასახადის სახით მობილიზებულია 2 259 166.1 ათასი ლარი, რაც საპროგნოზო მაჩვენებლის (2 144 000.0 ათასი ლარი) 105.4%-ია.
- მოგების გადასახადის სახით მობილიზებულია 1 138 924.8 ათასი ლარი, რაც საპროგნოზო მაჩვენებლის (917 000.0 ათასი ლარი) 124.2%-ია.
- დამატებული ღირებულების გადასახადის სახით მობილიზებულია 2 749 063.9 ათასი ლარი, რაც საპროგნოზო მაჩვენებლის (2 455 920.0 ათასი ლარი) 111.9%-ია.

- აქციზის სახით მობილიზებულია 774 620.4 ათასი ლარი, რაც საპროგნოზო მაჩვენებლის (775 000.0 ათასი ლარი) 100.0%-ია.
- იმპორტის გადასახადის სახით მობილიზებულია 52 044.8 ათასი ლარი, რაც საპროგნოზო მაჩვენებლის (39 000.0 ათასი ლარი) 133.4%-ია.
- სხვა გადასახადის სახით მობილიზებულია (-205 076.2) ათასი ლარი, რაც საპროგნოზო მაჩვენებლის (418 000.0 ათასი ლარი) (-49.1)%-ია (უარყოფითი მაჩვენებელი გამოწვეულია სხვა გადასახადიდან ზედმეტად გადახდილი თანხის დაბრუნების ქვეანგარიშზე გადატანილი თანხებით).

**2022 წლის იანვარ-ივნისის სახელმწიფო ბიუჯეტის საგადასახადო შემოსავლების შესრულების მაჩვენებლები**

*ათასი ლარი*

დასახელება	გეგმა	ფაქტი	+/-	%
<b>გადასახადები</b>	<b>6 748 920,0</b>	<b>6 768 743,9</b>	<b>19 823,9</b>	<b>100,3</b>
საშემოსავლო გადასახადი	2 144 000,0	2 259 166,1	115 166,1	105,4
მოგების გადასახადი	917 000,0	1 138 924,8	221 924,8	124,2
დამატებული ღირებულების გადასახადი	2 455 920,0	2 749 063,9	293 143,9	111,9
აქციზი	775 000,0	774 620,4	-379,6	100,0
იმპორტის გადასახადი	39 000,0	52 044,8	13 044,8	133,4
სხვა გადასახადი	418 000,0	-205 076,2	-623 076,2	-49,1

**გრანტების** საპროგნოზო მაჩვენებელი განისაზღვრა 169 834.6 ათასი ლარით, საანგარიშო პერიოდში მობილიზებულ იქნა 227 340.7 ათასი ლარი, ანუ საპროგნოზო მაჩვენებლის 133.9%, კერძოდ:

- ბიუჯეტის მხარდამჭერი გრანტები - 121 415.8 ათასი ლარი;
- საინვესტიციო გრანტები - 19 214.6 ათასი ლარი;
- ხაზინის ანგარიშზე რიცხული რეესტრის გრანტები - 44 143.2 ათასი ლარი;
- „საქართველოს 2022 წლის სახელმწიფო ბიუჯეტის შესახებ“ საქართველოს კანონის 35-ე მუხლის შესაბამისად საჯარო სამართლის იურიდიული პირების მიერ სახელმწიფო ბიუჯეტში მიმართული სახსრები - 42 567.1 ათასი ლარი).

*ათასი ლარი*

დასახელება	საანგარიშო პერიოდის ფაქტი
<b>გრანტები</b>	<b>227,340.7</b>
<b>ბიუჯეტის მხარდამჭერი გრანტები</b>	<b>121,415.8</b>
<b>საინვესტიციო გრანტები</b>	<b>19,214.6</b>
SDC	13.4
IFAD	1,251.3
EU	14,186.6
EBRD	336.5
E5P	913.1
KfW	2,513.7
<b>ხაზინის ანგარიშზე რიცხული რეესტრის გრანტები</b>	<b>44,143.2</b>
<b>მიმდინარე გრანტები ცენტრალური სსიპ(ებ)-დან/ა(ა)იპ(ებ)-დან</b>	<b>42,567.1</b>

სხვა შემოსავლების საპროგნოზო მაჩვენებელი განისაზღვრა 460 085.0 ათასი ლარის ოდენობით, მობილიზებულ იქნა 682 523.9 ათასი ლარი, ანუ საპროგნოზო მაჩვენებლის 148.3%.

საანგარიშო პერიოდში სხვა შემოსავლების მობილიზაციის მდგომარეობა ცალკეული სახეების მიხედვით შემდეგია:

- **საკუთრებიდან მიღებული შემოსავლების** სახით მობილიზებულია 473 610.2 ათასი ლარი, რაც საპროგნოზო მაჩვენებლის (299 800.0 ათასი ლარი) 158.0%-ია. აქედან,
    - **პროცენტები** - 106 499.3 ათასი ლარი, რაც საპროგნოზო მაჩვენებლის (86 600.0 ათასი ლარი) 123.0%-ს შეადგენს.
    - **დივიდენდები** - 356 115.3 ათასი ლარი, რაც საპროგნოზო მაჩვენებლის (207 000.0 ათასი ლარი) 172.0%-ს შეადგენს, მათ შორის ეროვნული ბანკიდან შემოსავალი შეადგენს 356 060.0 ათასს ლარს.
    - **რენტის** სახით მობილიზებულია 10 995.6 ათასი ლარი, რაც საპროგნოზო მაჩვენებლის (6 200.0 ათასი ლარი) 177.3%-ია.
  - **საქონლისა და მომსახურების რეალიზაციიდან** მობილიზებულია 42 483.2 ათასი ლარი, რაც საპროგნოზო მაჩვენებლის (40 285.0 ათასი ლარი) 105.5%-ია. აქედან,
    - **ადმინისტრაციული მოსაკრებლებისა და გადასახდელების სახით** - 41 275.2 ათასი ლარი, რაც საპროგნოზო მაჩვენებლის (38 945.0 ათასი ლარი) 106.0%-ია. მათ შორის:
      - სალიცენზიო მოსაკრებელი - 110.4 ათასი ლარი, რაც საპროგნოზო მაჩვენებლის (95.0 ათასი ლარი) 116.2%-ია;
      - სანებართვო მოსაკრებელი - 25 882.8 ათასი ლარი, რაც საპროგნოზო მაჩვენებლის (27 700.0 ათასი ლარი) 93.4%-ია.
      - სარეგისტრაციო მოსაკრებელი - 995.2 ათასი ლარი, რაც საპროგნოზო მაჩვენებლის (910.0 ათასი ლარი) 109.4%-ია;
      - სახელმწიფო ბაჟი - 12 539.1 ათასი ლარი, რაც საპროგნოზო მაჩვენებლის (8 900.0 ათასი ლარი) 140.9%-ია;
      - საკონსულო მოსაკრებელი - 900.9 ათასი ლარი, რაც საპროგნოზო მაჩვენებლის (680.0 ათასი ლარი) 132.5%-ია;
      - სამხედრო სავალდებულო სამსახურის გადავადების მოსაკრებელი - 498.7 ათასი ლარი, რაც საპროგნოზო მაჩვენებლის (480.0 ათასი ლარი) 103.9%-ია.
      - სხვა არაკლასიფიცირებული მოსაკრებლების სახით მობილიზებულია 348.2 ათასი ლარი, რაც საპროგნოზო მაჩვენებლის (180.0 ათასი ლარი) 193.4%-ია.
    - **არასაბაზრო წესით გაყიდული საქონლისა და მომსახურებიდან** - 1 208.0 ათასი ლარი, რაც საპროგნოზო მაჩვენებლის (1 340.0 ათასი ლარი) 90.1%-ია. მათ შორის:
      - საქონლის რეალიზაციიდან - სახით მობილიზებულია 0.6 ათასი ლარი;
      - მომსახურების გაწევიდან - 1 207.4 ათასი ლარი, რაც საპროგნოზო მაჩვენებლის (1 340.0 ათასი ლარი) 90.1%-ია;
  - **სანქციების (ჯარიმები და საურავები)** სახით მობილიზებულია 57 027.0 ათასი ლარი, რაც საპროგნოზო მაჩვენებლის (48 000.0 ათასი ლარი) 118.8%-ია.
- ტრანსფერები რომელიც სხვაგან არ არის კლასიფიცირებული** მობილიზებულია 109 403.6 ათასი ლარი, რაც საპროგნოზო მაჩვენებლის (72 000.0 ათასი ლარი) 151.9%-ია.

**2022 წლის იანვარ-ივნისის სახელმწიფო ბიუჯეტის სხვა შემოსავლების შესრულების მაჩვენებლები**

ათასი ლარი

დასახელება	გეგმა	ფაქტი	+/-	%
სხვა შემოსავლები	460 085,0	682 523,9	222 438,9	148,3
შემოსავლები საკუთრებიდან	299 800,0	473 610,2	173 810,2	158,0

დასახელება	გეგმა	ფაქტი	+/-	%
პროცენტები	86 600,0	106 499,3	19 899,3	123,0
დივიდენდები	207 000,0	356 115,3	149 115,3	172,0
რენტა	6 200,0	10 995,6	4 795,6	177,3
<b>საქონლისა და მომსახურების რეალიზაცია</b>	<b>40 285,0</b>	<b>42 483,2</b>	<b>2 198,2</b>	<b>105,5</b>
<b>ადმინისტრაციული მოსაკრებლები და გადასახდელები</b>	<b>38 945,0</b>	<b>41 275,2</b>	<b>2 330,2</b>	<b>106,0</b>
სალიცენზიო მოსაკრებლები	95,0	110,4	15,4	116,2
სანებართვო მოსაკრებლები	27 700,0	25 882,8	-1 817,2	93,4
სარეგისტრაციო მოსაკრებლები	910,0	995,2	85,2	109,4
სახელმწიფო ბაჟი	8 900,0	12 539,1	3 639,1	140,9
საკონსულო მოსაკრებელი	680,0	900,9	220,9	132,5
სამხედრო სავალდებულო სამსახურის გადავადების მოსაკრებელი	480,0	498,7	18,7	103,9
სხვა არაკლასიფიცირებული მოსაკრებელი	180,0	348,2	168,2	193,4
<b>არასაბაზრო წესით გაყიდული საქონელი და მომსახურება</b>	<b>1 340,0</b>	<b>1 208,0</b>	<b>-132,0</b>	<b>90,1</b>
შემოსავლები საქონლის რეალიზაციიდან		0,6	0,6	
შემოსავლები მომსახურების გაწევიდან	1 340,0	1 207,4	-132,6	90,1
<b>სანქციები (ჯარიმები და საურავები)</b>	<b>48 000,0</b>	<b>57 027,0</b>	<b>9 027,0</b>	<b>118,8</b>
<b>ტრანსფერები რომელიც სხვაგან არ არის კლასიფიცირებული</b>	<b>72 000,0</b>	<b>109 403,6</b>	<b>37 403,6</b>	<b>151,9</b>

არაფინანსური აქტივების კლებიდან მობილიზებულ იქნა 131 711.1 ათასი ლარი, რაც საპროგნოზო მაჩვენებლის (118 000.0 ათასი ლარი) 111.6%-ია.

ფინანსური აქტივების კლებიდან მობილიზებულ იქნა 88 070.4 ათასი ლარი, რაც საპროგნოზო მაჩვენებლის (75 100.0 ათასი ლარი) 117.3%-ია.